





**PANITIA MASA PENERIMAAN ANGGOTA BARU (MAPABA) RAYON V
PERGERAKAN MAHASISWA ISLAM INDONESIA**

(Indonesian Moslem Student Movement)

RAYON BAMBOOSA SP

Alamat : Pending Lor RT 02 RW 11, Pancuranmas, Kec. Secang, Kabupaten
Magelang, Jawa Tengah

Email : rayonbamboosasp@gmail.com Tlp. 085866214989 (Ahsan)

Panjenenganipun kekalih waget nguwasani lan ngalahaken sedaya perkawis dunya ingkang tansah narik dateng kepinginan utawi hawa nefsunipun Nabi Ibrahim lan Nabi Ismail minangka manungsa limrah.

Manungsa dados makhluk ingkang paling sempurna tinimbang makhluk sanesipun, boten namung saking arah raganipun nanging ugi saking arah bilih manungsa kanugerahan akal lan nafsu utawi kepinginan.

Mila, menawi manungsa ingkang tansah ngutamaaken Taqwa lan waget istiqamah, jejek lan estu-estu ngelaksanaaken perintah-perintahipun Gusti Allaah *Subhaanahu wa Ta'ala*, piyambakipun waget estu-estu dados makhluk ingkang derajatipun mulya ngungkuli malaikat.

Kosokwangsulipun, menawi manungsa menika kawon kalian hawa nafsunipun hingga tebih saking tha'at lan asring ngelampahi dosa utawi maksiat, piyambakipun dados manungsa awon, asor lan ina; derajatipun langkung asor lan ina tinimbang iblis. *Na'uudzi biLlaah min dzaalik...*

Jama'ah Shalat Iedul Adha *rahimakumuLlaah...*

Saklajengipun, kados pundi lan menapa ingkang kita pilih; bade nuruti manah taqwa ingkang leres lan sahe ingkang ngajak dateng tha'at kanti nuur Iman lan Islam ingkang ndumugeaken dateng selamat, beja lan mulya dunya akhirat utawi bade nuruti hawa nafsu ingkang lepat lan awon ingkang ngajak dateng maksiat lan njerumusaken dateng kasengsaran lan kapitunan dunya akhirat.

Kita sampun mangertosi napa lan pundi ingkang kedah kita utamaaken. Namung kemawon kita tasih asring kesasar; langkung asring nuruti utawi kebujuk dening hawa nafsu tinimbang nuruti manah ingkang taqwa ingkang ngajak dateng tha'at.

Imam al-Bushiri ing Qasidah al-Burdah ngendikaaken:

وَالنَّفْسُ كَالطِّفْلِ إِنْ تَهْمَلَهُ شَبَّ عَلَى ﴿٥٦﴾ حُبِّ الرِّضَاعِ وَإِنْ تَقْطُمَهُ يَنْفَطِمِ

Artosipun: “Nafsu kaya dene bayi, yen sira jarke, arep tetep seneng nyusu. Yen sira sapih, arep bisa gelem leren nyusu.”

Bayi kedah dipun latih lan dipun biasaaken supados waget dipun sapih hingga boten nyusu ngantos langkung umur kalih tahun.

Hawa nafsu ugi mekaten, ibarat bayi utawi lare alit, kedah dipun latih lan dipun biasaaken supados boten sakkarepipun piyambak lan supados boten nerak aturan, langkung-langkung aturan agami Islam utawi syariat.

Hal menika penting sanget kita terapaken ing sedaya perkawis langkung-langkung babagan dunya utawi kadunyan. Ing antawisipun perkawis dunya inggih anak. Boten sekedik tiyang



**PANITIA MASA PENERIMAAN ANGGOTA BARU (MAPABA) RAYON V
PERGERAKAN MAHASISWA ISLAM INDONESIA**

(Indonesian Moslem Student Movement)

RAYON BAMBOOSA SP

Alamat : Pending Lor RT 02 RW 11, Pancuranmas, Kec. Secang, Kabupaten
Magelang, Jawa Tengah

Email : rayonbamboosasp@gmail.com Tlp. 085866214989 (Ahsan)

ingkang sama mbanggaaken anak ing babagan dunyanipun; pinter nyambut damel, sugih bandha, pangkat inggil, sakterasipun ananging babagan agami kirang utawi boten dipun gatosaken. Hal menika sampun dipun wanti-wanti Al-Qur'an ing Surah AlHadid ayat 20:

اعْلَمُوا أَنَّمَا الْحَيَاةُ الدُّنْيَا لَعِبٌ وَلَهُمْ زِينَةٌ وَتَفَاخُرٌ بَيْنَكُمْ وَتَكَاثُرٌ فِي الْأَمْوَالِ وَالْأَوْلَادِ

Artosipun: "Ngertiha seliramu kabeh yen anging pestine urip dunya iku mung dolanan, guyon, lan hiasan, lan sing sapa wonge ing antarane seliramu kabeh anggak-anggakan sarta akeh-akehan banda dunya lan keturunan."

Mila, Nabi Ibrahim *alaihis salaam* nalika dipun perintah nyembelih putranipun Nabi Ismail menika boten namung ujian tha'at kemawon nanging ugi latihan kangge nguasani hawa nefs utawi kepinginan dateng perkawis dunya; milih tha'at dateng perintah Gusti Allaah lan ngutamaaken Iman Islamipun utawi kawon dateng trisanipun dateng ingkang Putra. Ing saklajengipun Nabi Ibrahim lan Nabi Ismail *alaihimas salaam* lulus lan waget ngelaksanaaken ujian saking Gusti Allaah Subhaanahu wa Ta'alaa.

Kedadosan menika kita dadosaken tuladha lan patokan kangge ngadepi sedaya masalah ingkang mawerni-werni supados kita selamat lan bagya mulya dunya akhirat.

Wonten ing Al-Qur'an Surah At-Taghaabun dipun dawuhaken:

إِنَّمَا أَمْوَالُكُمْ وَأَوْلَادُكُمْ فِتْنَةٌ وَاللَّهُ عِنْدَهُ أَجْرٌ عَظِيمٌ

Artinya: "Anging pestine banda-banda sira kabeh lan anak-anak sira kabeh iku fitnah (ujian), lan ing ngarsane Gusti Allaah ana ganjaran kang agung."

Syekh Wahbah az-Zuhaili ing Kitab Tafsir Al-Munir (juz 28 hal. 257) ngendikaaken bilih banda lan anak ugi bojo dados ujian. Nalika manungsa langkung kathah nuruti dunya tanpa nggatosaken Syariat utawi aturanipun Gusti Allaah lan Rasulullah, mangka manungsa menika dados musuhipun agami Islam lan bakal kapitunan tuwin sengsara dunya akhirat. *Na'uudzu biLlaah min dzaalik...*

Mangga sedaya perkawis dunya kita lampahaken kanti netepi aturan utawi syariat ingkang sampun kita tampi saking Kanjeng Nabi Muhammad *shallaLlaahu alaihi wasallam*.

Dawuhipun Kanjeng Nabi Muhammad *shallaLlaahu alaihi wasallama*:

أَلَا إِنَّ الدُّنْيَا مَلْعُونَةٌ مَلْعُونٌ مَا فِيهَا إِلَّا ذَكَرُ اللَّهِ وَمَا وَالَاءُ وَعَالِمٌ أَوْ مُتَعَلِّمٌ

Artosipun: "Elinga saktemene dunya iku dilaknat, dilaknat apa wae kang ana ing dunya kejaba eling/dzikir marang Gusti Allaah lan apa wahe kang bisa ngarahake marang dzikir iku, sarta wong kang duwe ngilmu lan golek ngilmu." (HR. Tirmidzi)

Saking dawuh menika saget dipun mangertosi bilih dzikir dateng Gusti Allaah inggih menika mangertosi perkawis ngkang leres lan sahe utawi dipun wastani ngilmu.



Sakmestini pun ingkang dipun maksud inggih ngilmu Agami Islam. Mila Kanjeng Nabi dawuh bilih kita kedah tansah ngaos ngudi ngilmu sarta tansah ngamalaken kanti niat dzikir dateng Gusti Allaah.

Kanti Shalat Idul Adha, Riyaya Qurban lan nuladani Nabi Ibrahim lan Nabi Ismail *alaihimas salaam* menika, mugi Gusti Allaah tansah maringi pitulungan arupi kekiatan lan pitedah hingga kita waget nyembelih utawi mragat hawa nafsu utawi kepinginan-kepinginan kita numpuk-numpuk banda lan ngunggulaken perkawis dunya hingga kita waget ngelaksanaaken perintah-perintahipun Gusti Allaah lan nebihi awisan-awisanipun.

Mugi Gusti Allaah nglebetaken kita ing golonganipun tiyang-tiyang ingkang dipun ridhani Gusti Allaah Subhaanahu wa Ta'ala lan syafa'atipun Kanjeng Nabi Muhammad shallaLlaahu alaihi wasallama, selamat, beja lan mulya dunya akhirat.

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَذِكْرِ الْحَكِيمِ.
أَقُولُ قَوْلِي هَذَا فَاسْتَغْفِرُ اللَّهَ الْعَظِيمِ
إِنَّهُ هُوَ الْغَفُورُ الرَّحِيمُ

Khutbah II

[illegible]

اللَّهُ أَكْبَرُ مَا ذَكَرَهُ الدَّاكِرُونَ، اللَّهُ أَكْبَرُ مَا حَمِدَهُ الْحَامِدُونَ، اللَّهُ أَكْبَرُ مَا تَقَلَّبَ اللَّيْلُ وَالنَّهَارُ، اللَّهُ أَكْبَرُ فِي كُلِّ حَالٍ وَفِي سَائِرِ الطَّرُوفِ وَالْأَحْوَالِ، اللَّهُ أَكْبَرُ مَا أَقْبَلَ التَّائِبُونَ إِلَى رَبِّهِمْ مُسْتَغْفِرِينَ، اللَّهُ أَكْبَرُ مَا تَجَلَّى اللَّهُ عَلَى عِبَادِهِ فِي هَذَا الشَّهْرِ الْمُبَارَكِ وَفِي سَائِرِ الشُّهُورِ وَالْأَيَّامِ بِالرَّحْمَةِ وَالْغُفْرَانِ

الْحَمْدُ لِلَّهِ الَّذِي أَمَرَنَا بِإِفْسَاءِ السَّلَامِ وَالصَّلَاةِ وَالسَّلَامِ عَلَى نَبِيِّنَا مُحَمَّدٍ الْمُبْعُوْثِ إِلَى سَائِرِ الْأُمَمِ وَعَلَى آلِهِ وَصَحْبِهِ الْمُتَمَسِّكِينَ بِدِينِ
الإِسْلَامِ • أَمَّا بَعْدُ

فَيَا عِبَادَ اللَّهِ... اتَّقُوا اللَّهَ حَقَّ تَقَاتِهِ وَلَا تَمُوتُوا إِلَّا وَأَنْتُمْ مُسْلِمُونَ. قَالَ اللَّهُ تَعَالَى فِي الْقُرْآنِ الْعَظِيمِ: إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ، يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ أَجْمَعِينَ اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ، وَتَجَاوَزْ عَنْهُمْ السَّيِّئَاتِ وَارْفَعْ لَهُمُ الدَّرَجَاتِ. اللَّهُمَّ أَصْلِحْنَا وَأَصْلِحْ أَهْلَ الْوَلَدَا، وَأَصْلِحْ مَنْ فِي صَلَاحِهِمْ صَلَاحُنَا وَصَلَاحُ الْمُسْلِمِينَ، وَأَهْلِكَ مَنْ فِي هَلَاقِهِمْ صَلَاحُنَا وَصَلَاحُ الْمُسْلِمِينَ.

اللَّهُمَّ وَجِّدْ صُفُوفَ الْمُسْلِمِينَ، وَارْزُقْنَا وَإِيَّاهُمْ زِيَادَةَ التَّقْوَى وَالْإِيمَانِ. اللَّهُمَّ ارْزُقْنَا حُبَّكَ وَحُبَّ نَبِيِّكَ، وَحُبَّ مَنْ أَحَبَّكَ وَأَحَبَّ نَبِيِّكَ. اللَّهُمَّ ارْزُقْنَا مُتَابَعَةَ نَبِيِّكَ وَالتَّمَسُّكَ بِكَتَابِكَ وَبِسُنَّةِ نَبِيِّكَ، وَلَا تَجْعَلْ مُصِيبَتَنَا فِي دِينِنَا، وَلَا تَجْعَلِ الدُّنْيَا أَكْبَرَ هَمِّنا وَلَا مَبْلَغَ عِلْمِنَا، وَاجْعَلِ الْجَنَّةَ هِيَ دَارُنَا وَقَرَارُنَا، وَلَا إِلَى النَّارِ مَصِيرُنَا

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، لَا إِلَهَ إِلَّا اللَّهُ وَاللَّهُ أَكْبَرُ، اللَّهُ أَكْبَرُ وَاللَّهُ الْحَمْدُ



**PANITIA MASA PENERIMAAN ANGGOTA BARU (MAPABA) RAYON V
PERGERAKAN MAHASISWA ISLAM INDONESIA**

(Indonesian Moslem Student Movement)

RAYON BAMBOOSA SP

Alamat : Pending Lor RT 02 RW 11, Pancuranmas, Kec. Secang, Kabupaten
Magelang, Jawa Tengah

Email : rayonbamboosasp@gmail.com Tlp. 085866214989 (Ahsan)

تُحَمَّدُ السَّلَامُ عَلَيْكُمْ وَرَحْمَةُ اللَّهِ وَبَرَكَاتُهُ